

Na osnovu člana 72. Zakona o javnim nabavkama Bosne i Hercegovine ("Službeni glasnik BiH", br. 39/14, 59/22 i 50/24) a nakon provedenog postupka nabavke putem direktnog sporazuma, zaključen je:

U G O V O R

za pružanje usluga nadzora nad izvođenjem radova na ugradnji klima uređaja

Između:

1. Bosna i Hercegovina, Vijeće ministara Bosne i Hercegovine, Direkcija za evropske integracije, Đoke Mazalića broj 5, koju zastupa direktorica Elvira Habota, (u daljem tekstu: Ugovorni organ)

i

2. PANACON d.o.o. Sarajevo, ul. Antuna Hangarija broj 47, koju zastupa direktor Numo Pivčić (u daljem tekstu: Pružalac usluga)

Član 1.

1) Predmet ovog ugovora je pružanje usluga nadzora nad izvođenjem radova na ugradnji klima uređaja, za potrebe Direkcije za evropske integracije, na osnovu provedenog direktnog sporazuma po ukupnoj cijeni ponude u iznosu od 5.900,00 KM bez PDV-a.

2) Pružalac usluga se obavezuje na nepromjenljivost ponuđene cijene.

3) Sastavni dio ovog Ugovora je Ponuda Pružaoca usluga broj: 02012-26 od dana 10.02.2026. godine.

Član 2.

1) Pružalac usluga se obavezuje da će pružati stručni nadzor i kontrolu pravilne ugradnje klima uređaja, uključujući provjeru funkcionalnosti opreme, u zgradi Direkcije za evropske integracije, adresa Đoke Mazalića broj 5, 3. sprat, Sarajevo.

2) Pružalac usluga se obavezuje izvršiti nadzor nad ugradnjom sljedećih klima jedinica:

- 2 (dvije) vanjske jedinice HAIER, model 5U105S2SS5FA, kapacitet 10,0/10,5 kW, inverter multi R32,

- 3 (tri) vanjske jedinice HAIER, model 3U70S2SR5FA, kapacitet 7,0/7,60 kW, inverter multi R32,

- 12 (dvanaest) unutrašnjih zidnih jedinica HAIER PERL PREMIUM, model AS25PBPHRA-PRE, kapacitet 2,7/3,1 kW, inverter R32,

- 3 (tri) unutrašnje zidne jedinice HAIER PERL PREMIUM, model AS35PBPHRA-PRE, kapacitet 3,6/3,9 kW, inverter R32.

Član 3.

Pružalac usluga se obavezuje da će provesti nadzor nad svim fazama izvođenja predmetnih radova na traženoj lokaciji, uključujući:

- ugradnju unutrašnjih i vanjskih jedinica klima uređaja,
- instalaciju bakarnih cjevovoda sa izolacijom,
- postavljanje cjevovoda za odvod kondenzata, uključujući pumpe,
- montažu nosača i visilica,
- električne priključke i ugradnju sklopki/osigurača za svaku vanjsku jedinicu,
- građevinsko-zanatske radove vezane za montažu (strop monolitni i pripadajući radovi),
- zaštitu radnog prostora, opreme i instalacija tokom izvođenja radova,
- čišćenje nakon završetka radova i dovođenje prostora u prvobitno stanje,
- izradu dokumentacije izvedenog stanja.

Član 4.

1) Pružaoc usluga se obavezuje da će angažovana osoba, diplomirani inženjer mašinstva, prilikom izvršavanja nadzora provoditi kontrolu i provjere kako slijedi:

- a) kod bakrenih cjevovoda provjeriti dimenziju i debljinu cijevi, pravilnost ugradnje izolacije i spajanja, te kvalitet povezivanja unutrašnjih i vanjskih jedinica;
- b) kod cjevovoda za odvod kondenzata provjeriti nagibe i protok, ugradnju pumpi i spojeve;
- c) kod nosača i visilice provjeriti stabilnost i pravilnost montaže/ugradnje, posebno kod vanjskih jedinica, uz kontrolu statičkog opterećenja;
- d) kod električne instalacije provjeriti pravilnu izvedbu razvodnog kabla, ugradnju sklopki/osigurača i zaštitu vanjskih instalacija od vremenskih i mehaničkih uticaja;
- e) kod vakumiranja i punjenja rashladnog sistema izvršiti provjeru vakumiranja, punjenja rashladnim plinom R32 prema dostavljenoj ponudi odabrane firme za nabavku i ugradnju klima uređaja O.D. AD FROST SARAJEVO, vl. Dedić Armin, Sarajevo, te testiranje kompletnog sistema prije puštanja u rad;
- f) kod građevinskih i montažnih radova provjeriti pravilnu ugradnju montažnog, spojnog i zaptivnog materijala, zaštitu radnog prostora i opreme, čišćenje i vraćanje prostora u prvobitno stanje.

Član 5.

1) Ugovorni organ se obavezuje da će najkasnije 3 (tri) dana od potpisivanja Ugovora sa Pružaocem usluga i O.D. AD FROST SARAJEVO, vl. Dedić Armin, Sarajevo, firmom odabranom za nabavku i ugradnju klima uređaja, organizovati radni sastanak i obilazak lokacije, radi preciziranja dinamike izvođenja ugradnje i nadzora.

2) Ugradnja klima uređaja i pružanje usluga nadzora koji će se obavljati na trećem spratu objekta institucija Bosne i Hercegovine u kojem je smještena Direkcija za evropske integracije, ulica Đoke Mazalića broj 5, Sarajevo će otpočeti najviše 7 (sedam) dana od održavanja spomenutog sastanka.

3) Ugradnji klima uređaja, unutrašnjih i vanjskih jedinica, njihovo testiranje i puštanje u rad neće trajati duže od 20 (dvadeset) radnih dana počevši od dana početka ugradnje klima uređaja.

Član 6.

1) Ugradnja klima uređaja i pružanje usluga nadzora će se obavljati radnim danima unutar radnog vremena od 8 do 16 sati vodeći računa da radovi iza 14 sati ne stvaraju buku u skladu sa Zakonom o zaštiti od buke Federacije Bosne i Hercegovine i Odluke o kućnom redu u Kantonu Sarajevo.

2) U provođenju pružanja usluga nadzora, Pružalac usluga se obavezuje da će:

- a) prije ugradnje i montaže opreme, zajedno sa O.D. AD FROST SARAJEVO, vl. Dedić Armin, Sarajevo, firmom odabranom za nabavku i ugradnju klima uređaja, izvršiti pregled tehničke dokumentacije nabavljene opreme i dati pismenu saglasnost izvođaču za ugradnju.
- b) prije početka pružanja usluga izvršiti pregled lokacije i definisati mjesta montaže opreme.
- c) prije početka ugradnje klima uređaja, usaglasiti sa firmom O.D. AD FROST SARAJEVO, vl. Dedić Armin, Sarajevo, dinamiku ugradnje uređaja.
- d) voditi računa da svi radnici firme sa O.D. AD FROST SARAJEVO, vl. Dedić Armin, Sarajevo koriste propisanu zaštitu i HTZ opremu.
- e) redovno pratiti ugradnju klima uređaja u skladu sa zakonskim propisima iz predmetne oblasti i potpisanim ugovorom za pružanje usluga nadzora.
- f) spriječiti ugradnju opreme i instalacija koja nije u skladu sa ugovorom o nabavci i ugradnji klima uređaja.
- g) utvrditi da li je ugradnja opreme i postavljanje instalacija u skladu sa zahtjevima Ugovora o nabavci i ugradnji klima uređaja.

- h) potvrditi ispravnu instalaciju i ugradnju opreme potpisivanjem građevinskog dnevnika i građevinske knjige, te kontrolisati sve eventualne okolnosti iz tehničke dokumentacije.
- i) obavijestiti Ugovorni organ o svim eventualnim manjkavostima i nepravilnostima uočenim tokom ugradnje klima uređaja.
- j) biti prisutan na lokaciji Ugovornog organa u fazi testiranja i puštanja opreme u rad.
- k) nakon završetka radova, dostaviti Izvještaj Ugovornom organu sa pregledom realizacije ugovora.

Član 7.

- 1) Pružalac usluga se obavezuje da će usluge koje su predmet Ugovora pružiti u skladu sa zahtjevom Ugovornog organa i da će odmah postupiti po eventualnim primjedbama Ugovornog organa, u pogledu nedostataka na ime izvršene usluge.
- 2) Ugovorni organ će utvrditi razuman rok za ispravku propusta Pružaoca usluga u smislu izvršene usluge.

Član 8.

- 1) Radovi će se smatrati prihvaćenim ako su izvedeni u skladu sa zahtjevima Ugovornog organa, specifikacijama proizvođača i važećim tehničkim standardima.
- 2) Sva odstupanja moraju biti otklonjena prije konačnog primopredajnog pregleda.

Član 9.

- 1) Pružalac usluga se obavezuje da na osnovu otpremnih dokumenata potvrđenih od strane Ugovornog organa da je ugovorena usluga izvršena, ispostavi fakturu za plaćanje.
- 2) Ugovorni organ će platiti ispostavljenu fakturu za izvršene usluge propisanim platnim nalogom za plaćanje u roku od 15 (petnaest) dana od dana dostave fakture.

Član 10.

- 1) Ovaj Ugovor se može raskinuti na osnovu sporazuma ugovornih strana.
- 2) Ovaj Ugovor može se raskinuti i jednostrano i to iz sljedećih razloga:
 - a) u slučaju da druga ugovorna strana ne ispunjava obaveze iz ugovora u utvrđenim rokovima i na utvrđeni način;
 - b) ako poslije zaključenja ugovora nastupe okolnosti koje otežavaju ispunjenje obaveza jedne od ugovornih strana;
 - c) drugih razloga u skladu sa važećim zakonima.
- 3) Ugovorna strana koja pokreće postupak za raskid ugovora iz razloga navedenih u stavu (2) ovog člana ugovora, obavezna je prije podnošenja zahtjeva za raskid ugovora dostaviti pisanu opomenu drugoj ugovornoj strani o neizvršavanju obaveza, sa dodatnim rokom za ispunjenje tih obaveza.
- 4) Dodatni rok iz prethodnog stava ovog člana Ugovora ne može biti duži od 15 (petnaest) dana. U slučaju da ugovorna strana koja ne ispunjava obaveze iz Ugovora u utvrđenim rokovima i na utvrđeni način, i ni u dodatno ostavljenom roku ne ispuni svoje obaveze iz ugovora, ovaj Ugovor će se smatrati raskinutim.

Član 11.

- 1) Ovaj Ugovor se zaključuje na određeni period do potpunog izvršenja obaveza obje ugovorene strane, a najduže do dana 30.04.2026. godine.
- 2) Ovaj Ugovor stupa na snagu danom potpisivanja obje ugovorne strane.

Član 12.

Eventualne sporove nastale pri realizaciji ovog Ugovora, ugovorne strane će rješavati mirnim putem, u protivnom, ugovara se nadležnost Suda Bosne i Hercegovine u Sarajevu.

Član 13.

Na ostala prava i obaveze ugovornih strana, koje nisu regulisane ovim Ugovorom, primjenjivati će se odredbe Zakona o obligacionim odnosima.

Član 14.

Ovaj Ugovor je sačinjen u 4 (četiri) istovjetna primjeraka, od kojih svaka ugovorna strana zadržava po 2 (dva) primjerka, za svoje potrebe.

PRUŽALAC USLUGA

Direktor

Numo Pivčić

Broj:

02016-26

Datum,

16.02.2026. godine.



UGOVORNI ORGAN

Direktorica

Elvira Habota

Broj:

05-101-18-4-TB-24/26

Datum,

16.02.2026. godine.

